

Ako Vam je neophodno, imate pravo na usluge prevodioca. Molimo da nas prilikom zakazivanja pregleda obavijestite o potrebi za prevodiocem. Zdravstveni djelatnici će nakon toga angažirati prevoditelja iz prevoditeljske agencije.

O Kantonalnom vijeću

Kantonalnim vijećem Kronoberg upravlja Kantonalna skupština koja je sastavljena od izabranih političara.

Skupština Kantona se sastoji od 45 izabranih članova i to je najviše tijelo za donošenje odluka u Kantonalnom vijeću. Oni donose odluke o aktivnostima Kantonalnog vijeća na osnovu trenutne zdravstvene situacije u kantonu, zahtjeva zdravstva i medicinske njege, te financijski okvir. Sjednice su otvorene za javnost. Na svakoj sjednici stanovnici imaju mogućnost postavljanja pitanja koja se odnose na aktivnosti Kantonalnog vijeća.

Odbor Kantonalnog vijeća se sastoji od 15 izabranih političara i vodi i koordinira općim funkcioniranjem aktivnosti vijeća.

Prijedlozi građana

Svi stanovnici Kantona Kronoberg su dobrodošli da iznesu prijedloge vezane za promjene i poboljšanja aktivnosti Vijeća. Morate prijaviti svoje ime i priložiti svoju adresu i broj telefona. Zapišite ih na papir ili upotrijebite obrazac koji se nalazi na: www.ltkronoberg.se ispod stavke "Internettjänster". Pošaljite na:

Medborgarförslag
Landstinget Kronoberg
351 96 Växjö

Dijalog građana

Kantonalno vijeće Kronoberg namjerava započeti dijalog građana tokom 2010. godine na: www.ltkronoberg.se. Građani koji žele učestvovati slobodno mogu to da učine. Web anketa će nekoliko puta godišnje biti poslana elektroničkom poštom, sadržavajući niz pitanja u odabranom području interesa. Odgovori iz anketa bit će kompilirani u obliku izvještaja koji će biti predstavljen panel učesnicima, političarima i službenicima vijeća te objavljen na web stranic.